

Broj: 03-34-1836-2/22
Mostar, 12. 8. 2022. godine

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE
BOSNE I HERCEGOVINE
n/r mr.sc. Edita Kalajdžić, tajnik Vlade**

**Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO**

Primljeno: 118-08-2022			
Org. jed.	Broj	Priloga	Vrijednost
05/1	-02-	200	/22

Predmet: Inicijativa koju su zastupnici Tašo Dacić i Kenela Zuko podnijeli na 33. redovitoj sjednici Zastupničkog doma Parlamenta Federacije Bosne i Hercegovine, dopuna dokumentacije, dostavlja se

Veza: Vaš akt broj 03-04-723-4/22 od 2. 6. 2022. godine, kao i naš akt, broj 03-34-1836-1/22 od 2. 8. 2022. godine

Poštovana,

poznata Vam je činjenica da je 6. 6. 2022. godine Federalno ministarstvo obrazovanja i nauke zaprimilo Vaš akt, broj 03-04-723-4/22 od 2. 6. 2022. godine, kojim nas obavještavate da je na 33. redovitoj sjednici Zastupničkog doma Parlamenta Federacije Bosne i Hercegovine, održanoj 31. 5. 2022. godine, zastupnici Tašo Dacić i Kenela Zuko pokrenuli Inicijativu da Federalno ministarstvo obrazovanja i nauke u saradnji sa kantonalnim ministarstvima obrazovanja i Federalnim zavodom za javno zdravstvo na području Federacije BiH:

1. u nastavne programe za osnovne i srednje škole, te programe za predškolske ustanove uključe teme o štetnosti pušenja za zdravlje, utemeljenim na najboljim preventivnim svjetskim praksama,
2. u osnovnim i srednjim školama kao i u predškolskim ustanovama urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorima.

Već smo Vas obavijestili da je Federalno ministarstvo obrazovanja i nauke 15. 7. 2022. godine svim kantonalnim ministarstvima obrazovanja dostavilo Inicijativu koju su zastupnici Tašo Dacić i Kenela Zuko podnijeli na 33. redovitoj sjednici Zastupničkog doma Parlamenta Federacije Bosne i Hercegovine, kao i naš dopis kojim ih molimo da nam u što kraćem roku dostave svoje mišljenje po ovom pitanju. Ovaj dopis smo dostavili i Zavodu za javno zdravstvo Federacije Bosne i Hercegovine.

S tim u vezi smo zaprimili odgovore Ministarstva za obrazovanje, nauku, kulturu i sport Zeničko-dobojskog kantona, kao i odgovor Zavoda za javno zdravstvo Federacije Bosne i

Hercegovine, koje smo Vam već dostavili u prilogu našeg dopisa, broj 03-34-1836-1/22 od 2. 8. 2022. godine.

Dana 9. 8. 2022. godine zaprimili smo odgovor Ministarstva za odgoj i obrazovanje Kantona Sarajevo, koji Vam dostavljamo u prilogu. Ukoliko zaprimimo preostale odgovore, iste ćemo Vam dostaviti naknadno.

S poštovanjem,

Po ovlaštenju Vlade Federacije Bosne i Hercegovine



SEKRETAR MINISTARSTVA

mr.sc. Alden Kajtaz

Prilog:

- kao u tekstu


Dostavljeno:

- naslovu
- Ivan Miličević, tajnik Zastupničkog doma Parlamenta Federacije BiH, adresa: Hamdije Kreševljakovića br. 3, 71000 Sarajevo
- Kenela Zuko i Tašo Dacić, zastupnici u Zastupničkom domu Parlamenta Federacije BiH, adresa: Hamdije Kreševljakovića br. 3, 71000 Sarajevo
- a/a



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education



Broj: 11-03/02-34-28435-2/22
Sarajevo, 2.8.2022. godine

Bosna i Hercegovina
Federacija Bosne i Hercegovine
* FEDERALNO MINISTARSTVO OBRAZOVANJA I NAUKE
* FEDERALNO MINISTARSTVO OBRAZOVANJA I ZNANOSTI
Ul. Ante Starčevića bb
88000 Mostar

JU Institut za razvoj preduniverzitetskog obrazovanja Kantona Sarajevo
Ul. Aleja Bosne Srebrene bb/IX
71000 Sarajevo

Predmet: Odgovor, dostavlja se

Cijenjeni,

Ministarstvo za odgoj i obrazovanje Kantona Sarajevo zaprimilo je zastupničku inicijativu zastupnika Taše Dacića i Kenele Zuko koja je upućena na 33. redovnoj sjednici Zastupničkog doma Parlamenta Federacije Bosne i Hercegovine:

1. u nastavne programe za osnovne i srednje škole, te programe za predškolske ustanove uključuje teme o štetnosti pušenja za zdravlje, utemeljenim na najboljim preventivnim svjetskim praksama,
2. u osnovnim i srednjim školama, kao i u predškolskim ustanovama, urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorima.

U vezi sa dostavljenom Inicijativom, obavještavamo vas o sljedećem:

1. Ministarstvo za odgoj i obrazovanje Kantona Sarajevo podržava Inicijativu koja ima za cilj izmjene nastavnih planova i programa osnovnih i srednjih škola, te programa za djecu predškolskog uzrasta u dijelovima koji govore o zaštiti zdravlja djece i učenika, odnosno štetnosti pušenja za zdravlje ljudi;
2. Inicijativa dolazi nakon donošenja Zakona o kontroli i ograničenoj upotrebi duhana, duhanskih i ostalih proizvoda za pušenje u FBiH („Službene novine Federacije Bosne i Hercegovine“, broj 38/22) što opravdava njen smisao;



3. iako se kroz Cjeloviti razvojni program, sa djecom predškolskog uzrasta, u osnovnoj školi kroz nastavne planove i programe nastavnog predmeta Tjelesni i zdravstveni odgoj, Kultura življenja i Zdravi životni stilovi, te u srednjoj školi kroz nastavne planove i programe nastavnog predmeta Biologija obrađuju teme štetnosti pušenja, smatramo da inicijativa daje mjesta da se oblast očuvanja zdravlja djece predškolskog uzrasta i učenika osnovnih i srednjih škola analizira i u duhu preventivnih praksi ugradi u nastavne planove i programe;
4. dajemo podršku inicijativi da se u krugu predškolskih ustanova, osnovnih i srednjih škola zabrani konzumiranje duhanskih proizvoda o čemu odlučuju uprave odgojno-obrazovnih ustanova, jer u skladu sa Zakonom o kontroli i ograničenoj upotrebi duhana, duhanskih i ostalih proizvoda za pušenje u FBiH, pušenje je zabranjeno u svim zatvorenim javnim prostorima, mjestu rada i javnom prijevozu, kao i u privatnim sredstvima prijevoza u kojem se nalaze maloljetne osobe;
5. provođenje internih politika u školama koje uključuju zabranu pušenja u zatvorenim i otvorenim školskim prostorima moguće je urediti kroz metodologiju godišnjih programa rada predškolskih ustanova, osnovnih i srednjih škola.

Iskreno se nadamo da će Inicijativa u dogledno vrijeme biti implementirana u odgojno – obrazovnim ustanovama u Federaciji Bosne i Hercegovine u svrhu očuvanja zdravlja djece, učenika i radnika.

Ministarstvo za odgoj i obrazovanje Kantona Sarajevo provodi kurikularnu reformu nastavnih planova i programa za osnovne i srednje škole na području Kantona Sarajevo u saradnji sa Javnom ustanovom Institut za razvoj preduniverzitetskog obrazovanja Kantona Sarajevo.

U obavljanju djelatnosti Javna ustanova, između ostalog, učestvuje u izradi i inoviranju nastavnih planova i programa; daje stručna mišljenja o nastavnim planovima i programima, prati provedbu, vrednuje kvalitet i revidira nastavne planove i programe; utvrđuje i razvija nastavne planove i programe za pojedina područja; te obavlja i druge poslove u vezi sa nastavnim planovima i programima u skladu sa zakonima; učestvuje u provođenju kurikularne reforme. Također, predlaže Ministarstvu i nadležnim organima preduzimanje neophodnih mjera za unapređivanje rada odgojno-obrazovnih ustanova.

Shodno prethodno navedenom, Ministarstvo za odgoj i obrazovanje Kantona Sarajevo će navedenu inicijativu uputiti i Javnoj ustanovi Institut za razvoj preduniverzitetskog obrazovanja Kantona Sarajevo.

S poštovanjem,

**PO OVLAŠTENJU MINISTRICE
POMOĆNIK MINISTRICE**
Ezudin Kurtović
Ezudin Kurtović

Dostaviti:

- naslovu;
- JU Institut za razvoj preduniverzitetskog obrazovanja Kantona Sarajevo;
- a/a.





Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-04-02-22932/22

Sarajevo, 02.08.2022. godina

Bosna i Hercegovina
Federacija Bosne i Hercegovine
Parlament Federacije
Zastupnički/Predstavnički dom

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primitjeno: 08-08-2022

Org. jed.	Broj	Priloga	Vrijednost
05/1	- 02 -	200	22

n/r Tajnik /Sekretar Ivan Miličević
ul Hamdije kreševljakovića broj 3
71000 Sarajevo

PREDMET : Odgovor na zastupničku inicijativu -- dostavlja se

Dana 02.06.2022.godine dostavili ste ovom ministarstvu na nadležno postupanje zastupničku inicijativu koju su zastupnici Tašo Dacić i Kenela Zuko podnijeli na 33. Redovnoj sjednici Zastupničkog doma Parlamenta Federacije BiH održanoj dana 31.05.2022.godine, koja se odnosi na uključivanje tema o štetnosti pušenja za zdravlje u nastavne programe za osnovne i srednje škole, te programe za predškolske ustanove, utemeljenim na najboljim preventivnim svjetskim praksama, te da se u osnovnim i srednjim školama kao i predškolskim ustanovama urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorima.

Ministarstvo zdravstva podržava navedenu inicijativu, te s tim u vezi je dana 16.06.2022.godine zatražilo mišljenje na predmetnu zastupničku inicijativu od JU Zavod za javno zdravstvo Kantona Sarajevo, koji vam ovom prilikom dostavljamo u prilogu akta.

Dostaviti:
- naslovu
- a/a

Pripremila: Amra Hadžimuratović Čustović, stručni saradnik
Potvrdila: Amra Isić, sekretar ministarstva



MINISTAR

Prof. dr. Haris Vranić



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1





4208

Broj: 05.3.34-4027-1/22
Sarajevo, 14.07.2022.god.

Kanton Sarajevo
Ministarstvo zdravstva
Reisa Džemaludina Čauševića 1.
71 000 Sarajevo
n/p Prof. dr. Haris Vranić, Ministar

Bosna i Hercegovina
Federacija Bosne i Hercegovine
KANTON SARAJEVO

PRIMLJENO:	19-07-2022	Broj prijema
Organizaciona jedinica	Klasifikacija oznaka	
10 04	02	22932-6

Predmet: Zastupnička inicijativa-mišljenje -Odgovor

Poštovani,

Kantonalno Ministarstvo zdravstva obratilo se dopisom br.10-04-02-22932/22, J.U. Zavod za javno zdravstvo Kantona Sarajevo kako bi nas upoznali sa inicijativom, koju su pokrenuli zastupnici Tašo Dacić i Kenela Zuko na 33. redovnoj sjednici Zastupničkog parlamenta Federacije BIH, održanoj dana 31.05.2022. godine, te tražite da dostavimo stručno mišljenje o ovoj inicijativi.


Inicijativa se odnosi na uključivanje tema o štetnosti pušenja za zdravlje u nastavne programe za osnovne i srednje škole, te programe za predškolske ustanove, utemeljenim na najboljim preventivnim svjetskim praksama, te da se u osnovnim i srednjim školama kao i predškolskim ustanovama urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorima.

Prateći Analizu zdravstvenog stanja stanovništva na području Kantona Sarajevo, kroz dugi niz godina, kao i indikatore zdravlja stanovništva, te uticaj rizičnog ponašanje na zdravlje, a cijeneći iskustvo naše ustanove u promociji zdravlja i prevenciji bolesti, smatramo da je neophodno provođenje Programa prevencije bolesti ovisnosti (između ostalih duhana i duhanskih proizvoda) pokrenutih i pod pokroviteljstvom Vlade Kantona Sarajevo a čiji bi nositelji aktivnosti bili Ministarstvo zdravstva Kantona Sarajevo, Ministarstvo za odgoj i obrazovanje Kantona Sarajevo i J.U. Zavod za javno zdravstvo Kantona Sarajevo, a u segmentu primarne prevencije bolesti ovisnosti.

Programi bi trebali biti planirani kao dugogodišnji programi koji bi sadržavati jasne smjernice, definisane ciljeve i programske zadatke i aktivnosti, mjerljive indikatore izvršenja te aktivno učešće svih zainteresiranih strana kako bi rezultati istih bili uspješni i vidljivi. U sklopu zacrtanih smjernica Programa svakako treba biti i edukacija zaposlenih u školskim ustanovama za Kreiranje pojedinačnih politika školskih ustanova za prevenciju bolesti ovisnosti, u ovom slučaju pojedinačnih politika školskih/predškolskih ustanova zabrane pušenja na otvorenim i zatvorenim školskim/predškolskim prostorima.

S poštovanjem,

Uradila: Dr.med. Seniha Čelik, subspec.



Mr.dr.prim. Alma Bungur



Adresa: dr. Mustafe Pintola br.1, 71210 Buzza
Tel/fax: 627-889; 624-470
web: <http://www.zzjzks.ba>
e-mail: gzavod@bih.net.ba



Broj: 03-34-1836-1/22
Mostar, 2. 8. 2022. godine

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE
BOSNE I HERCEGOVINE
n/r mr.sc. Edita Kalajdžić, tajnik Vlade**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 12-08-2022			
Org. jed.	Broj	Priloga	Vrijednost
05/1	-02-	200	/22

Predmet: Inicijativa koju su zastupnici Tašo Dacić i Kenela Zuko podnijeli na 33. redovitoj sjednici Zastupničkog doma Parlamenta Federacije Bosne i Hercegovine, odgovor, dostavlja se

VEZA: Vaš akt broj 03-04-723-4/22 od 2. 6. 2022. godine

Poštovana,

Federalno ministarstvo obrazovanja i nauke je 6. 6. 2022. godine zaprimilo Vaš akt, broj i datum gornji, kojim nas obavještavate da je na 33. redovitoj sjednici Zastupničkog doma Parlamenta Federacije Bosne i Hercegovine, održanoj 31. 5. 2022. godine, zastupnici Tašo Dacić i Kenela Zuko pokrenuli Inicijativu da Federalno ministarstvo obrazovanja i nauke u saradnji sa kantonalnim ministarstvima obrazovanja i Federalnim zavodom za javno zdravstvo na području Federacije BiH:

1. u nastavne programe za osnovne i srednje škole, te programe za predškolske ustanove uključe teme o štetnosti pušenja za zdravlje, utemeljenim na najboljim preventivnim svjetskim praksama,
2. u osnovnim i srednjim školama kao i u predškolskim ustanovama urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorima.

S tim u vezi Vas obavještavamo o sljedećem:

Federalno ministarstvo obrazovanja i nauke je 15. 7. 2022. godine svim kantonalnim ministarstvima obrazovanja dostavilo Inicijativu koju su zastupnici Tašo Dacić i Kenela Zuko podnijeli na 33. redovitoj sjednici Zastupničkog doma Parlamenta Federacije Bosne i Hercegovine, kao i naš dopis kojim ih molimo da nam u što kraćem roku dostave svoje mišljenje po ovom pitanju. Ovaj dopis smo dostavili i Zavodu za javno zdravstvo Federacije Bosne i Hercegovine.

Do danas, 2. 8. 2022. godine zaprimili smo odgovore Ministarstva za obrazovanje, nauku, kulturu i sport Zeničko-dobojskog kantona, kao i odgovor Zavoda za javno zdravstvo Federacije Bosne i Hercegovine, koje vam dostavljamo u prilogu. Ukoliko zaprimimo preostale odgovore, iste ćemo Vam dostaviti naknadno.

S poštovanjem,

Po ovlaštenju Vlade Federacije Bosne i Hercegovine

SEKRETAR MINISTARSTVA

Alden Kajtaž
mr.sc. Alden Kajtaž



Prilog:

- kao u tekstu

Dostavljeno:

- naslovu
- Ivan Miličević, tajnik Zastupničkog doma Parlamenta Federacije BiH, adresa: Hamdije Kreševljakovića br. 3, 71000 Sarajevo
- Kenela Zuko i Tašo Dacić, zastupnici u Zastupničkom domu Parlamenta Federacije BiH, adresa: Hamdije Kreševljakovića br. 3, 71000 Sarajevo
- a/a

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF EDUCATION,
SCIENCE, CULTURE & SPORT

Broj : 10-34-11331-05/22.
Zenica, 22.07.2022. godine

PARLAMENT FEDERACIJE
ZASTUPNIČKI/PREDSTAVNIČKI DOM
n/r sekretara

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO ZA OBRAZOVANJE I NAUKU

PRIMIJENO	27.7.2022
PREKLAD	
03-34-2424	/22

PREDMET: Odgovor na poslaničku inicijativu, dostavlja se

Poštovani,

U vezi sa aktom Zastupničkog doma Federacije Bosne i Hercegovine, od 02.06.2022. godine, u kojem je tražen odgovor na poslaničku inicijativu koju su u pisanoj formi podnijeli zastupnici Tašo Dacić i Kenela Zuko na 33. redovnoj sjednici Zastupničkog doma Parlamenta Federacije Bosne i Hercegovine održanoj 31.05.2022. godine, a kojom se urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorijama, a na koju smo Vam već dostavili odgovor 17.06.2022. godine (akt broj : 10-34-8819-05/22., 17.06.2022. godine) u prilogu Vam ponovo prosljeđujemo odgovor Ministarstva za obrazovanje, nauku, kulturu i sport Zeničko-dobojskog kantona, na Vaše dalje postupanje.

S poštovanjem,

DOSTAVLJENO:
2 x Naslovu
2 x a/a, 03-05



MINISTAR
Prof. dr. Spahija Kozlić

Bosna i Hercegovina, Zenica, Kućukovići br. 2
Tel: 032/460-840, fax: 460-842
e-mail min.obrazovanje@zdk.ba



Na poslaničku inicijativu koju su u pisanoj formi podnijeli zastupnici Tašo Dacić i Kenela Zuko na 33. redovnoj sjednici Zastupničkog doma Parlamenta Federacije Bosne i Hercegovine održanoj 31.05.2022. godine, a kojom se urgira usvajanje i provođenje internih politika koje uključuju zabranu pušenja na otvorenim i zatvorenim školskim prostorijama, Ministarstvo za obrazovanje, nauku, kulturu i sport Zeničko-dobojskog kantona se očituje na sljedeći način:

Prema članu 5. stav (7) Zakona o osnovnoj školi („Službene novine Zeničko-dobojskog kantona, broj: 3/18) i članu 7. stav (2) Zakona o srednjoj školi („Službene novine Zeničko-dobojskog kantona, broj: 9/17) u školi ne smije postojati bilo kakav oblik zastrašivanja, zlostavljanja, fizičkog kažnjavanja, vrijeđanja, ponižavanja ili degradiranja i *drugih negativnih pojava štetnih po zdravlje, uključujući i štetu izazvanu pušenjem ili upotrebom drugih opojnih i zakonom zabranjenih sredstava u školskim prostorijama.*

U cilju ujednačavanja internih akata osnovnih i srednjih škola na području Zeničko-dobojskog kantona, Ministarstvo za obrazovanje, nauku, kulturu i sport Zeničko-dobojskog kantona je prosljedilo svim osnovnim i srednjim školama (akt broj: 10-38-02-18726-3/19, od 30.12.2019. godine) Prijedlog Modela pravilnika o kućnom redu s etičkim kodeksom u svrhu konačnog donošenja Pravilnika o kućnom redu sa etičkim kodeksom, koji na prijedlog direktora, uz prethodne konsultacije sa nastavničkim vijećem, vijećem učenika i vijećem roditelja, usvaja Školski odbor, što je i definirano članom 41. stav (4) Zakona o osnovnoj školi („Službene novine Zeničko-dobojskog kantona“, broj: 3/18) i članom 51. stav (4) Zakona o srednjoj školi („Službene novine Zeničko-dobojskog kantona“, broj: 9/17).

U članu 7. i članu 8. Prijedloga Modela pravilnika o kućnom redu s etičkim kodeksom koji je donijelo Ministarstvo za obrazovanje, nauku, kulturu i sport Zeničko-dobojskog kantona navodi se da je *zabranjeno konzumiranje duhana, alkohola i uživanje bilo kakvih opojnih sredstava u školi i dvorištu škole za učenike, a da se radnici škole obavezuju da se pridržavaju zabrane konzumiranja duhana u prostorijama škole, izuzev u prostoriji predviđenoj i označenoj kao prostoriji za pušenje.*

U skladu sa članom 21. navedenog Prijedloga Modela pravilnika o kućnom redu s etičkim kodeksom škole se obavezuju da usaglase interne akte (Pravila škole i Pravilnik o kućnom redu s etičkim kodeksom) sa odredbama Prijedloga Modela pravilnika o kućnom redu s etičkim kodeksom.

U skladu sa Metodologijom za izradu godišnjeg programa rada osnovnih škola i Metodologijom za izradu godišnjih programa rada svih tipova srednjih škola i domova učenika („Službene novine Zeničko-dobojskog kantona“, broj: 7/19) škole su dužne izraditi interni plan i program rada odjeljenskih zajednica, a što podrazumijeva i realizaciju tema o *Prevenaciji bolesti ovisnosti i zaštita zdravlja na časovima odjeljenskih zajednica u svim osnovnim i srednjim školama na području Zeničko-dobojskog kantona.* U osnovnim i srednjim školama kontinuirano se provodi primarna i sekundarna prevencija štetnosti pušenja za zdravlje učenika u skladu sa sadržajima važećih nastavnih planova i programa. O navedenoj temi učenici se upoznaju kroz različite nastavne predmete, jer je cilj da se učenicima pruže potrebna znanja koja doprinose održavanju i unapređenju zdravlja čovjeka i borbi protiv svih vrsta ovisnosti (npr: biologija – medicinski aspekt, vjeronauka/vjeronauk – teološki aspekt). Također, u osnovnim i srednjim školama na području Zeničko-dobojskog kantona, već dugi niz godina, realiziraju se različiti projekti (u čiju realizaciju su uključeni delegati Vijeća roditelja i Vijeća učenika) kroz koje se obrađuju teme o štetnosti pušenja na zdravlje učenika i mladih osoba (posljedice pušenja duhana, nargile, ovisnost o pušenju). Projekti se realizuju u saradnji sa drugim zainteresiranim institucijama, ustanovama, nevladinim organizacijama (Institut za zdravlje i sigurnost hrane Zenica, Kantonalni Zavod za borbu protiv ovisnosti, MUP...).

U predškolskim ustanovama na području Zeničko-dobojskog kantona odgojno-obrazovni rad se realizira u skladu sa Cjelovitim razvojnim programa u okviru kojeg su planirane teme koji se odnose na prevenciju zdravlja djece predškolskog uzrasta.


Shodno navedenom, Ministarstvo za obrazovanje, nauku, kulturu i sport Zeničko-dobojskog kantona Vas informira da su škole odgojno-obrazovne ustanove u kojima se kroz cjelokupan odgojno-obrazovni rad s učenicima i njihovim roditeljima kontinuirano naglašava važnost i poklanja neophodna pažnja temama o prevenciji bolesti ovisnosti, a samim time i štetnosti pušenja za zdravlje učenika, a da resorno ministarstvo podržava sve inicijative, projekte i mjere koje imaju za cilj preventivno djelovanje u svrhu zaštite i promocije zdravlja učenika.

S poštovanjem,

DOSTAVLJENO:

2 x Naslovu

2 x a/a, 03-05



MINISTAR

Prof. dr. Spahija Kozlić



Bosna i Hercegovina, Zenica, Kućukovići br. 2

Tel: 032/460-840, fax: 460-842

e-mail min.obrazovanje@zdk.ba



ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H

28.07.22

CS
ma

Broj protokola: S-05-02-5-1025-1/22
Sarajevo, 28.07.2022. godine

FEDERALNO MINISTARSTVO OBRAZOVANJA I NAUKE
n/r mr.sc. Alden Kajtaž, sekretar ministarstva

PREDMET: Odgovor na zastupničku inicijativu
VEŽA: Vaš dopis broj 03-34-6-1836/22 od 15.07.2022.

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO OBRAZOVANJA I NAUKE
M O S T A R

PRIMLJENO:	29.7.2022		
ORG. JED.	Bosna i Hercegovina	Broj	Vrijednost
03-34-	2438		/22

Poštovani,

Pozdravljamo i podržavamo sve aktivnosti koje proizilaze iz inicijative koju su zastupnici Tašo Nacić i Kenela Zuko podnijeli na 33. redovnoj sjednici Zastupničkog doma, a svjesni smo i dosadašnje uloge Federalnog ministarstva obrazovanja i nauke u procesu integriranja tema o zdravlju mladih u obrazovne programe na nivou Federacije BiH.

Ovim putem želimo istaći da u planiranju i realizaciji aktivnosti edukacije školske djece i mladih u pogledu prevencije konzumacije duhanskih proizvoda treba uzeti u obzir podjelu ingerencija ustanova u skladu sa Zakonom o kontroli i ograničenoj upotrebi duhana, duhanskih i ostalih proizvoda za pušenje u Federaciji BiH.

Podsjećamo da je Zakon o kontroli i ograničenoj upotrebi duhana, duhanskih i ostalih proizvoda za pušenje u Federaciji BiH 24.03.2022. godine usvojio Dom naroda Parlamenta Federacije, da bi 27.04.2022. godine Predstavnički dom Parlamenta Federacije BiH usaglasio tekst ovog Zakona.

Početak primjene Zakona je godinu dana od stupanja na snagu objave Zakona ("Službene novine Federacije Bosne i Hercegovine", broj 38/22 od 20.05.2022).

U članu 26 navedenog Zakona, definirano je: "nadležna kantonalna ministarstva obrazovanja, u saradnji sa kantonalnim zavodima za javno zdravstvo u Federaciji BiH obavezna su u nastavne programe za osnovnu i srednju školu uključiti temu o štetnosti pušenja za zdravlje". Također u istom članu Zakona se navodi: "da su sve vaspitno-obrazovne ustanove obavezne na vidno mjesto istaknuti postere i druge promotivne materijale i vizuelne grafikone sa tekstom i slikom koji ukazuju na zabranu upotrebe

duhana, duhanskih proizvoda i ostalih proizvoda za pušenje licima mlađim od 18 godina i upozorenje o štetnosti tih proizvoda za zdravlje."

U članu 27 istog Zakona definirana je i uloga Zavoda za javno zdravstvo Federacije BiH: "Federalni zavod za javno zdravstvo i kantonalni zavodi za javno zdravstvo su obavezni preduzeti potrebne aktivnosti s ciljem kreiranja i provođenja programa koji na stručan način educiraju javnost o štetnosti pušenja i istovremeno ohrabruju na prekid konzumiranja duhanskih i ostalih proizvoda za pušenje."


U skladu sa članom 29 istog Zakona, Vlada Federacije BiH formira Federalnu Komisiju za kontrolu upotrebe duhana, duhanskih i ostalih proizvoda za pušenje koja ima 11 članova i sastoji se od predstavnika resornih ministarstava među kojima i Federalno ministarstvo obrazovanja i nauke, federalnog koordinatora za kontrolu duhana i predstavnika civilnog društva.

U članu 31 istog Zakona, definirane su nadležnosti Federalne Komisije za kontrolu upotrebe duhana, duhanskih i ostalih proizvoda za pušenje po kojima između ostalih Komisija:

- prati pojavnost pušenja, proučava i zajedno sa drugim nadležnim tijelima predlaže mjere i aktivnosti za smanjenje upotrebe duhana, duhanskih i ostalih proizvoda za pušenje, uključujući i programe odvikavanja od pušenja;
- predlaže i organizuje izdavanje publikacija radi promocije zdravog načina života;
- predlaže programe odvikavanja od pušenja;
- predlaže i prati provedbu Programa;
- prati globalne, regionalne i lokalne trendove vezano za smjernice i politike prevencije i odvikavanja od pušenja;
- surađuje s međunarodnim tijelima koja prate problematiku kontrole duhana;
- učestvuje u pripremi izvještaja o učestalosti navika pušenja i rezultatima trajnih preventivnih akcija;
- sarađuje s vladinim i nevladinim organizacijama i udruženjima
- obavlja i druge poslove u skladu sa ovim zakonom i drugim povezanim propisima koji se odnose na osnovne zadatke Federalne Komisije.

Temeljem naše funkcije u službi zaštite zdravlja građana, u ime Zavoda za javno zdravstva Federacije BiH stojimo na raspolaganju za sve daljnje oblike podrške i suradnje u skladu sa zakonom definiranim funkcijama Zavoda.

S poštovanjem,



DIREKTOR

Mr.sc. Siniša Skočibušić, dr.med.